

gustav / February 07, 2013 10:16PM

[若有人善別六方，離四方惡不善業垢，彼於現法可敬可重，身壞命終，必至善處，上生天中。～～佛陀宣說的倫理觀《佛說善生經》，錄於《中阿含經卷第三十三》](#)若有人善別六方，離四方惡不善業垢，彼於現法可敬可重，身壞命終，必至善處，上生天中。～
佛陀宣說的倫理觀。《佛說善生經》，錄於《中阿含經卷第三十三》，東晉罽賓三藏瞿曇僧伽提婆譯 ([CBETA全文](#))

其他參考資料：

業露華。〈從《佛說善生經》看佛教的家庭倫理觀〉，《中華佛學學報》第13期(2000.05)，頁69-82。 ([連結](#))

[hr]

01n0026_p0638c06(00) || (一三五) 中阿含大品
 T01n0026_p0638c07(09) || 善生經第十九(第三念誦)
 T01n0026_p0638c08(00) || 我聞如是：一時，佛遊王舍城，在饒蝦蟆林。
 T01n0026_p0638c09(00) || 爾時，善生居士子，父臨終時，因六方故，
 T01n0026_p0638c10(02) || 遺教其子，善教善詞曰：「善生！我命終後，
 T01n0026_p0638c11(04) || 汝當叉手向六方禮：『東方若有眾生者，我盡恭敬、
 T01n0026_p0638c12(01) || 供養、禮事彼。我盡恭敬、供養、禮事彼已，
 T01n0026_p0638c13(02) || 彼亦當恭敬、供養、禮事我。如是南方、西方、北方、
 T01n0026_p0638c14(01) || 下方、上方，若有眾生者，我盡恭敬、供養、
 T01n0026_p0638c15(02) || 禮事彼。我盡恭敬、供養、禮事彼已，彼亦當恭敬、
 T01n0026_p0638c16(00) || 供養、禮事我。』」善生居士子聞父教已，
 T01n0026_p0638c17(02) || 白父曰：「唯。當如尊教。」於是，善生居士子，
 T01n0026_p0638c18(03) || 父命終後，平旦沐浴，著新芻磨衣，手執生拘舍葉，
 T01n0026_p0638c19(00) || 往至水邊，叉手向六方禮：
 T01n0026_p0638c20(07) || 「東方若有眾生者，我盡恭敬、供養、禮事彼。我盡恭敬、供養、
 T01n0026_p0638c21(01) || 禮事彼已，彼亦當恭敬、供養、禮事我。
 T01n0026_p0638c22(02) || 如是南方、西方、北方、下方、上方，若有眾生者，
 T01n0026_p0638c23(02) || 我盡恭敬、供養、禮事彼。我盡恭敬、供養、
 T01n0026_p0638c24(03) || 禮事彼已，彼亦當恭敬、供養、禮事我。」彼時，
 T01n0026_p0638c25(04) || 世尊過夜平旦，著衣持鉢，入王舍城而行乞食。
 T01n0026_p0638c26(02) || 世尊入王舍城乞食時，
 T01n0026_p0638c27(10) || 遙見善生居士子平旦沐浴，著新芻磨衣，手執生拘舍葉，往至水邊，
 T01n0026_p0638c28(00) || 叉手向六方禮：「東方若有眾生者，我盡恭敬、
 T01n0026_p0638c29(00) || 供養、禮事彼。我盡恭敬、供養、禮事彼已，
 T01n0026_p0639a01(01) || 彼亦當恭敬、供養、禮事我。如是南方、西方、北方、
 T01n0026_p0639a02(00) || 下方、上方，若有眾生者，我盡恭敬、供養、
 T01n0026_p0639a03(02) || 禮事彼。我盡恭敬、供養、禮事彼已，彼亦當恭敬、
 T01n0026_p0639a04(00) || 供養、禮事我。」世尊見已，
 T01n0026_p0639a05(07) || 往至善生居士子所，問曰：「居士子！受何沙門、梵志教，
 T01n0026_p0639a06(02) || 教汝恭敬、供養、禮事，平旦沐浴，著新芻磨衣，
 T01n0026_p0639a07(01) || 手執生拘舍葉，往至水邊，叉手向六方禮：
 T01n0026_p0639a08(02) || 『東方若有眾生者，我盡恭敬、供養、禮事彼。
 T01n0026_p0639a09(01) || 我盡恭敬、供養、禮事彼已，彼亦當恭敬、供養、
 T01n0026_p0639a10(00) || 禮事我。如是南方、西方、北方、下方、上方，
 T01n0026_p0639a11(01) || 若有眾生者，我盡恭敬、供養、禮事彼。我盡恭敬、
 T01n0026_p0639a12(00) || 供養、禮事彼已，彼亦當恭敬、供養、
 T01n0026_p0639a13(03) || 禮事我耶？』」善生居士子答曰：「世尊！我不受餘沙門、
 T01n0026_p0639a14(00) || 梵志教也。世尊！我父臨命終時，因六方故，
 T01n0026_p0639a15(00) || 遺教於我，善教善詞曰：『善生！我命終後，
 T01n0026_p0639a16(01) || 汝當叉手向六方禮：「東方若有眾生者，
 T01n0026_p0639a17(02) || 我盡恭敬、供養、禮事彼。我盡恭敬、供養、
 T01n0026_p0639a18(03) || 禮事彼已，彼亦當恭敬、供養、禮事我。如是南方、

T01n0026_p0639a19(01) 西方、北方、下方、上方，若有眾生者，我盡恭敬、
T01n0026_p0639a20(01) 供養、禮事彼。我盡恭敬、供養、禮事彼已，
T01n0026_p0639a21(02) 彼亦當恭敬、供養、禮事我。」』世尊！我受父遺教，
T01n0026_p0639a22(01) 恭敬、供養、禮事故，平旦沐浴，著新芻磨衣，
T01n0026_p0639a23(01) 手執生拘舍葉，往至水邊，叉手向六方禮：
T01n0026_p0639a24(02) 『東方若有眾生者，我盡恭敬、供養、禮事彼。
T01n0026_p0639a25(02) 我盡恭敬，供養、禮事彼已，彼亦當恭敬、供養、
T01n0026_p0639a26(01) 禮事我。如是南方、西方、北方、下方、上方，
T01n0026_p0639a27(03) 若有眾生者，我盡恭敬、供養、禮事彼。我盡恭敬、
T01n0026_p0639a28(01) 供養、禮事彼已，彼亦當恭敬、供養、禮事我。』』
T01n0026_p0639a29(01) 世尊聞已，告曰：「居士子！我說有六方，
T01n0026_p0639b01(03) 不說無也。居士子！若有人善別六方，
T01n0026_p0639b02(05) 離四方惡不善業垢，彼於現法可敬可重，身壞命終，
T01n0026_p0639b03(01) 必至善處，上生天中。居士子！眾生有四種業、
T01n0026_p0639b04(00) 四種穢。云何為四？居士子！殺生者，
T01n0026_p0639b05(04) 是眾生業種、穢種，不與取、邪婬、妄言者，是眾生業種、
T01n0026_p0639b06(01) 穢種。」於是，世尊說此頌曰：
T01n0026_p0639b07(00) 「殺生不與取，邪婬犯他妻，
T01n0026_p0639b08(00) 所言不真實，慧者不稱譽。
T01n0026_p0639b09(00) 「居士子！人因四事故，便得多罪。
T01n0026_p0639b10(05) 云何為四？行欲、行恚、行怖、行癡。」於是，世尊說此頌曰：
T01n0026_p0639b11(00) 「欲恚怖及癡，行惡非法行，
T01n0026_p0639b12(00) 彼必滅名稱，如月向盡沒。
T01n0026_p0639b13(00) 「居士子！人因四事故，便得多福。
T01n0026_p0639b14(05) 云何為四？不行欲、不行恚、不行怖、不行癡。」於是，
T01n0026_p0639b15(01) 世尊說此頌曰：
T01n0026_p0639b16(00) 「斷欲無恚怖，無癡行法行，
T01n0026_p0639b17(00) 彼名稱普聞，如月漸盛滿。
T01n0026_p0639b18(00) 「居士子！求財物者，當知有六非道。
T01n0026_p0639b19(03) 云何為六？一曰種種戲求財物者為非道。
T01n0026_p0639b20(04) 二曰非時行求財物者為非道。
T01n0026_p0639b21(08) 三曰飲酒放逸求財物者為非道。
T01n0026_p0639b22(11) 四曰親近惡知識求財物者為非道。
T01n0026_p0639b23(12) 五曰常喜妓樂求財物者為非道。六曰懶惰求財物者為非道。「居士子！
T01n0026_p0639b24(01) 若人種種戲者，當知有六災患。
T01n0026_p0639b25(06) 云何為六？一者負則生怨。二者失則生恥。
T01n0026_p0639b26(05) 三者負則眠不安。四者令怨家懷喜。五者使宗親懷憂。
T01n0026_p0639b27(00) 六者在眾所說人不信用。居士子！
T01n0026_p0639b28(03) 人博戲者，不經營作事，作事不營，則功業不成，
T01n0026_p0639b29(01) 未得財物，則不能得，本有財物，便轉消耗。
T01n0026_p0639c01(03) 「居士子，人非時行者，當知有六災患。
T01n0026_p0639c02(05) 云何為六？一者不自護。二者不護財物。
T01n0026_p0639c03(05) 三者不護妻子。四者為人所疑。五者多生苦患。
T01n0026_p0639c04(03) 六者為人所謗。居士子！人非時行者，不經營作事，
T01n0026_p0639c05(00) 作事不營，則功業不成，未得財物，
T01n0026_p0639c06(03) 則不能得，本有財物，便轉消耗。「居士子！
T01n0026_p0639c07(05) 若人飲酒放逸者，當知有六災患。一者現財物失。
T01n0026_p0639c08(02) 二者多有疾患。三者增諸鬥諍。四者隱藏發露。
T01n0026_p0639c09(01) 五者不稱不護。六者滅慧生癡。居士子！
T01n0026_p0639c10(02) 人飲酒放逸者，不經營作事，作事不營，
T01n0026_p0639c11(04) 則功業不成，未得財物，則不能得，本有財物，
T01n0026_p0639c12(03) 便轉消耗。「居士子！若人親近惡知識者，
T01n0026_p0639c13(04) 當知有六災患。云何為六？一者親近賊。
T01n0026_p0639c14(05) 二者親近欺誑。三者親近狂醉。四者親近放恣。
T01n0026_p0639c15(03) 五者逐會嬉戲。六者以此為親友，以此為伴侶。

T01n0026_p0639c16(01) 居士子！若人親近惡知識者，不經營作事，
T01n0026_p0639c17(01) 作事不營，則功業不成，未得財物，則不能得，
T01n0026_p0639c18(00) 本有財物，便轉消耗。「居士子！
T01n0026_p0639c19(05) 若人[喜/心]伎樂者，當知有六災患。
T01n0026_p0639c20(09) 云何為六？一者[喜/心]聞歌。二者[喜/心]見舞。三者[喜/心]往作樂。
T01n0026_p0639c21(02) 四者[喜/心]見弄鈴。五者[喜/心]拍兩手。六者[喜/心]大聚會。
T01n0026_p0639c22(00) 居士子！若人[喜/心]伎樂者，不經營作事，
T01n0026_p0639c23(01) 作事不營，則功業不成，未得財物，則不能得，
T01n0026_p0639c24(00) 本有財物，便轉消耗。「居士子！若有懶惰者，
T01n0026_p0639c25(00) 當知有六災患。
T01n0026_p0639c26(11) 云何為六？一者大早不作業。二者大晚不作業。三者大寒不作業。
T01n0026_p0639c27(02) 四者大熱不作業。五者大飽不作業。
T01n0026_p0639c28(05) 六者大飢不作業。居士子！若人懶惰者不經營作事，
T01n0026_p0639c29(02) 作事不營則功業不成，未得財物則不能得，
T01n0026_p0640a01(01) 本有財物便轉消耗。」於是世尊說此頌曰：
T01n0026_p0640a02(00) 「種種戲逐色，嗜酒[喜/心]作樂，
T01n0026_p0640a03(00) 親近惡知識，懶惰不作業，
T01n0026_p0640a04(00) 放恣不自護，此處壞敗人。
T01n0026_p0640a05(00) 行來不防護，邪婬犯他妻，
T01n0026_p0640a06(00) 心中常結怨，求願無有利，
T01n0026_p0640a07(00) 飲酒念女色，此處壞敗人。
T01n0026_p0640a08(00) 重作不善行，佞戾不受教，
T01n0026_p0640a09(00) 罵沙門梵志，顛倒有邪見，
T01n0026_p0640a10(00) 凶暴行黑業，此處壞敗人。
T01n0026_p0640a11(00) 自乏無財物，飲酒失衣被，
T01n0026_p0640a12(00) 負債如涌泉，彼必壞門族。
T01n0026_p0640a13(00) 數往至酒罇，親近惡朋友，
T01n0026_p0640a14(00) 應得財不得，是伴黨為樂。
T01n0026_p0640a15(00) 多有惡朋友，常隨不善伴，
T01n0026_p0640a16(00) 今世及後世，二俱得敗壞。
T01n0026_p0640a17(00) 人習惡轉減，習善轉興盛，
T01n0026_p0640a18(00) 習勝者轉增，是故當習勝。
T01n0026_p0640a19(00) 習昇則得昇，常達智慧昇，
T01n0026_p0640a20(00) 轉獲清淨戒，及與微妙上，
T01n0026_p0640a21(00) 晝則喜眠臥，夜則好遊行。
T01n0026_p0640a22(00) 放逸常飲酒，居家不得成，
T01n0026_p0640a23(00) 大寒及大熱，謂有懶惰人。
T01n0026_p0640a24(00) 至竟不成業，終不獲財利，
T01n0026_p0640a25(00) 若寒及大熱，不計猶如草。
T01n0026_p0640a26(00) 若人作是業，彼終不失樂。
T01n0026_p0640a27(00) 「居士子！有四不親而似親。
T01n0026_p0640a28(07) 云何為四？一者知事非親似如親。
T01n0026_p0640a29(10) 二者面前愛言非親似如親。三者言語非親似如親。
T01n0026_p0640b01(07) 四者惡趣伴非親似如親。居士子！因四事故，
T01n0026_p0640b02(06) 知事非親似如親。云何為四？一者以知事奪財。
T01n0026_p0640b03(04) 二者以少取多。三者或以恐怖。四者或為利狎習。」
T01n0026_p0640b04(01) 於是世尊說此頌曰：
T01n0026_p0640b05(00) 「人以知為事，言語至柔軟，
T01n0026_p0640b06(00) 怖為利狎習，知非親如親，
T01n0026_p0640b07(00) 常當遠離彼，如道有恐怖。
T01n0026_p0640b08(00) 「居士子！因四事故，面前愛言非親似如親。
T01n0026_p0640b09(00) 云何為四？一者制妙事。二者教作惡。
T01n0026_p0640b10(02) 三者面前稱譽。四者背說其惡。」
T01n0026_p0640b11(06) 於是世尊說此頌曰：
T01n0026_p0640b12(00) 「若制妙善法，教作惡不善，

T01n0026_p0640b13(00) 對面前稱譽，背後說其惡。
T01n0026_p0640b14(00) 若知妙及惡，亦復覺二說，
T01n0026_p0640b15(00) 是親不可親，知彼人如是。
T01n0026_p0640b16(00) 常當遠離彼，如道有恐怖。
T01n0026_p0640b17(00) 「居士子！因四事故言語非親似如親。
T01n0026_p0640b18(02) 云何為四？一者認過去事。二者必辯當來事。
T01n0026_p0640b19(01) 三者虛不真說。四者現事必滅，
T01n0026_p0640b20(05) 我當作不作認說。」於是世尊說此頌曰：
T01n0026_p0640b21(00) 「認過及未來，虛論現滅事，
T01n0026_p0640b22(00) 當作不作說，知非親如親，
T01n0026_p0640b23(00) 常當遠離彼，如道有恐怖。
T01n0026_p0640b24(00) 「居士子！因四事故，惡趣伴非親似如親。
T01n0026_p0640b25(01) 云何為四？一者教種種戲。二者教非時行。
T01n0026_p0640b26(01) 三者教令飲酒。四者教親近惡知識。」
T01n0026_p0640b27(03) 於是世尊說此頌曰：
T01n0026_p0640b28(00) 「教若干種戲，飲酒犯他妻，
T01n0026_p0640b29(00) 習下不習勝，彼滅如月盡，
T01n0026_p0640c01(00) 常當遠離彼，如道有恐怖。
T01n0026_p0640c02(00) 「居士子！善親當知有四種。
T01n0026_p0640c03(07) 云何為四？一者同苦樂，當知是善親。二者愍念，
T01n0026_p0640c04(04) 當知是善親。三者求利，當知是善親。四者饒益，
T01n0026_p0640c05(02) 當知是善親。居士子！因四事故同苦樂，
T01n0026_p0640c06(03) 當知是善親。云何為四？一者為彼捨己。
T01n0026_p0640c07(04) 二者為彼捨財。三者為彼捨妻子。四者所說堪忍。」
T01n0026_p0640c08(01) 於是世尊說此頌曰：
T01n0026_p0640c09(00) 「捨欲財妻子，所說能堪忍，
T01n0026_p0640c10(00) 知親同苦樂，慧者當狎習。
T01n0026_p0640c11(00) 「居士子！因四事故愍念，當知是善親。
T01n0026_p0640c12(02) 云何為四？一者教妙法。二者制惡法。
T01n0026_p0640c13(04) 三者面前稱說。四者卻怨家。」於是世尊說此頌曰：
T01n0026_p0640c14(00) 「教妙善制惡，面稱卻怨家，
T01n0026_p0640c15(00) 知善親愍念，慧者當狎習。
T01n0026_p0640c16(00) 「居士子！因四事故求利，當知是善親。
T01n0026_p0640c17(02) 云何為四？一者密事發露。二者密不覆藏。
T01n0026_p0640c18(02) 三者得利為喜。四者不得利不憂。」
T01n0026_p0640c19(04) 於是世尊說此頌曰：
T01n0026_p0640c20(00) 「密事露不藏，利喜無不憂，
T01n0026_p0640c21(00) 知善親求利，慧者當狎習。
T01n0026_p0640c22(00) 「居士子！因四事故饒益，當知是善親。
T01n0026_p0640c23(02) 云何為四？一者知財物盡。
T01n0026_p0640c24(08) 二者知財物盡已便給與物。三者見放逸教誨。四者常以愍念。」
T01n0026_p0640c25(00) 於是世尊說此頌曰：
T01n0026_p0640c26(00) 「知財盡與物，放逸教愍念，
T01n0026_p0640c27(00) 知善親饒益，慧者當狎習。
T01n0026_p0640c28(00) 「居士子！聖法律中有六方，東方、南方、西方、
T01n0026_p0640c29(01) 北方、下方、上方。居士子！如東方者，
T01n0026_p0641a01(04) 如是子觀父母，子當以五事奉敬供養父母。
T01n0026_p0641a02(02) 云何為五？一者增益財物。二者備辦眾事。
T01n0026_p0641a03(02) 三者所欲則奉。四者自恣不違。
T01n0026_p0641a04(07) 五者所有私物盡以奉上。子以此五事奉敬供養父母，
T01n0026_p0641a05(02) 父母亦以五事善念其子，
T01n0026_p0641a06(09) 云何為五？一者愛念兒子。二者供給無乏。三者令子不負債。
T01n0026_p0641a07(01) 四者婚娶稱可。
T01n0026_p0641a08(12) 五者父母可意所有財物盡以付子。父母以此五事善念其子。居士子！
T01n0026_p0641a09(01) 如是東方二俱分別。居士子！聖法律中東方者，

T01n0026_p0641a10(00) 謂子、父母也。居士子！若慈孝父母者，
T01n0026_p0641a11(02) 必有增益則無衰耗。「居士子！如南方者，
T01n0026_p0641a12(03) 如是弟子觀師，弟子當以五事恭敬供養於師。
T01n0026_p0641a13(00) 云何為五？一者善恭順。二者善承事。
T01n0026_p0641a14(03) 三者速起。四者所作業善。五者能奉敬師。
T01n0026_p0641a15(03) 弟子以此五事恭敬供養於師，
T01n0026_p0641a16(07) 師亦以五事善念弟子。云何為五？一者教技術。二者速教。
T01n0026_p0641a17(01) 三者盡教所知。四者安處善方。
T01n0026_p0641a18(05) 五者付囑善知識。師以此五事善念弟子。居士子！
T01n0026_p0641a19(02) 如是南方二俱分別。居士子！聖法律中南方者，
T01n0026_p0641a20(01) 謂弟子、師也。居士子！若人慈順於師者，
T01n0026_p0641a21(02) 必有增益則無衰耗。「居士子！如西方者，
T01n0026_p0641a22(03) 如是夫觀妻子，夫當以五事愛敬供給妻子。
T01n0026_p0641a23(01) 云何為五？一者憐念妻子。二者不輕慢。
T01n0026_p0641a24(02) 三者為作瓔珞嚴具。四者於家中得自在。
T01n0026_p0641a25(02) 五者念妻親親。夫以此五事愛敬供給妻子，
T01n0026_p0641a26(01) 妻子當以十三事善敬順夫，
T01n0026_p0641a27(07) 云何十三？一者重愛敬夫。二者重供養夫。三者善念其夫。
T01n0026_p0641a28(00) 四者攝持作業。五者善攝眷屬。
T01n0026_p0641a29(04) 六者前以瞻侍。七者後以愛行。八者言以誠實。
T01n0026_p0641b01(02) 九者不禁制門。十者見來讚善。
T01n0026_p0641b02(06) 十一者敷設床待。十二者施設淨美豐饒飲食。
T01n0026_p0641b03(05) 十三者供養沙門梵志。妻子以此十三事善敬順夫。
T01n0026_p0641b04(01) 居士子！如是西方二俱分別。居士子！
T01n0026_p0641b05(04) 聖法律中西方者，謂夫、妻子也。居士子！
T01n0026_p0641b06(05) 若人慈愍妻子者，必有增益則無衰耗。「居士子！
T01n0026_p0641b07(02) 如北方者，如是大家觀奴婢使人，
T01n0026_p0641b08(05) 大家當以五事愍念給恤奴婢使人。
T01n0026_p0641b09(08) 云何為五？一者隨其力而作業。二者隨時食之。
T01n0026_p0641b10(05) 三者隨時飲之。四者及日休息。五者病給湯藥。
T01n0026_p0641b11(04) 大家以此五事愍念給恤奴婢使人，
T01n0026_p0641b12(06) 奴婢使人當以九事善奉大家。云何為九？一者隨時作業。
T01n0026_p0641b13(00) 二者專心作業。三者一切作業。
T01n0026_p0641b14(05) 四者前以瞻侍。五者後以愛行。六者言以誠實。
T01n0026_p0641b15(04) 七者急時不遠離。八者行他方時則便讚歎。
T01n0026_p0641b16(03) 九者稱大家庶幾。奴婢使人以此九事善奉大家。
T01n0026_p0641b17(00) 居士子！如是北方二俱分別。居士子！
T01n0026_p0641b18(02) 聖法律中北方者，謂大家、奴婢使人也。居士子！
T01n0026_p0641b19(01) 若有人慈愍奴婢使人者，
T01n0026_p0641b20(07) 必有增益則無衰耗。「居士子！如下方者，如是親友觀親友臣，
T01n0026_p0641b21(00) 親友當以五事愛敬供給親友臣。
T01n0026_p0641b22(03) 云何為五？一者愛敬。二者不輕慢。三者不欺誑。
T01n0026_p0641b23(02) 四者施與珍寶。五者拯念親友臣。
T01n0026_p0641b24(05) 親友以此五事愛敬供給親友臣，
T01n0026_p0641b25(08) 親友臣亦以五事善念親友，云何為五？一者知財物盡。
T01n0026_p0641b26(03) 二者知財物盡已供給財物。三者見放逸教誨。
T01n0026_p0641b27(01) 四者愛念。五者急時可歸依。
T01n0026_p0641b28(06) 親友臣以此五事善念親友。居士子！如是下方二俱分別。
T01n0026_p0641b29(00) 居士子！聖法律中下方者，謂親友、親友臣也。
T01n0026_p0641c01(00) 居士子！若人慈愍親友臣者，
T01n0026_p0641c02(05) 必有增益則無衰耗。「居士子！如上方者，
T01n0026_p0641c03(06) 如是施主觀沙門梵志，
T01n0026_p0641c04(13) 施主當以五事尊敬供養沙門梵志。云何為五？一者不禁制門。
T01n0026_p0641c05(05) 二者見來讚善。三者敷設床待。
T01n0026_p0641c06(09) 四者施設淨美豐饒飲食。五者擁護如法。

T01n0026_p0641c07(10) 施主以此五事尊敬供養沙門梵志，沙門梵志亦以五事善念施主。
 T01n0026_p0641c08(00) 云何為五？一者教信行信念信。
 T01n0026_p0641c09(04) 二者教禁戒。三者教博聞。四者教布施。
 T01n0026_p0641c10(05) 五者教慧行慧立慧。沙門梵志以此五事善念施主。
 T01n0026_p0641c11(01) 居士子！如是上方二俱分別。居士子！
 T01n0026_p0641c12(04) 聖法律中上方者，謂施主、沙門梵志也。居士子！
 T01n0026_p0641c13(03) 若人尊奉沙門梵志者，必有增益則無衰耗。
 T01n0026_p0641c14(03) 「居士子，有四攝事，云何為四？一者惠施。
 T01n0026_p0641c15(03) 二者愛言。三者行利。四者等利。」
 T01n0026_p0641c16(07) 於是世尊說此頌曰：
 T01n0026_p0641c17(00) 「惠施及愛言，常為他行利，
 T01n0026_p0641c18(00) 眾生等同利，名稱普遠至，
 T01n0026_p0641c19(00) 此則攝持世，猶如御車人。
 T01n0026_p0641c20(00) 若無攝持者，母不因其子，
 T01n0026_p0641c21(00) 得供養恭敬，父因子亦然，
 T01n0026_p0641c22(00) 若有此法攝，故得大福祐。
 T01n0026_p0641c23(00) 照遠猶日光，速利翻捷疾，
 T01n0026_p0641c24(00) 不羸說聰明，如是得名稱。
 T01n0026_p0641c25(00) 定獲無功高，速利翻捷疾，
 T01n0026_p0641c26(00) 成就信尸賴，如是得名稱。
 T01n0026_p0641c27(00) 常起不懶惰，[喜/心]施人飲食，
 T01n0026_p0641c28(00) 將去調御正，如是得名稱。
 T01n0026_p0641c29(00) 親友臣同恤，愛樂有齊限，
 T01n0026_p0642a01(00) 謂攝在親中，殊妙如師子。
 T01n0026_p0642a02(00) 初當學技術，於後求財物，
 T01n0026_p0642a03(00) 後求財物已，分別作四分。
 T01n0026_p0642a04(00) 一分作飲食，一分作田業，
 T01n0026_p0642a05(00) 一分舉藏置，急時赴所須，
 T01n0026_p0642a06(00) 耕作商人給，一分出息利，
 T01n0026_p0642a07(00) 第五為取婦，第六作屋宅。
 T01n0026_p0642a08(00) 家若具六事，不增快得樂，
 T01n0026_p0642a09(00) 彼必饒錢財，如海中水流。
 T01n0026_p0642a10(00) 彼如是求財，猶如蜂採花，
 T01n0026_p0642a11(00) 長夜求錢財，當自受快樂。
 T01n0026_p0642a12(00) 出財莫令遠，亦勿令普漫，
 T01n0026_p0642a13(00) 不可以財與，兇暴及豪強。
 T01n0026_p0642a14(00) 東方為父母，南方為師尊，
 T01n0026_p0642a15(00) 西方為妻子，北方為奴婢，
 T01n0026_p0642a16(00) 下方親友臣，上沙門梵志。
 T01n0026_p0642a17(00) 願禮此諸方，二俱得大稱，
 T01n0026_p0642a18(00) 禮此諸方已，施主得生天。」
 T01n0026_p0642a19(00) 佛說如是。善生居士子聞佛所說，
 T01n0026_p0642a20(03) 歡喜奉行。
 T01n0026_p0642a21(00) 善生經第十九竟(四千二百五十五字)

Edited 2 time(s). Last edit at 02/07/2013 10:36PM by gustav.